

Headlines:-

- कश्मीर घाटी च होए द'ऊं बक्ख-बक्ख टाकरे च 3 आतंकवादी मारे गे न ते 4 सुरक्षाकर्मी जख्मी होई गे न।
- रक्षा राजनाथ सिंह होरें आखेआ जे आतंकवादी हिंसा च बाद्धा, सुरक्षा च चूक दा नतीजा नेई ऐ। उनें आखेआ जे सुरक्षाबलें आस्सेआ आतंकवादिगं गी बनकदा परता दित्ता जा करदा ऐ।
- रियासी दे चसकाना इलाके च इक शिड़क हादसे च 3 लोकें दी मौत होई गई ऐ।
- अंडर-19 विश्व मुक्केबाजी चैंपियनशिप च भारत दी कृषा वर्मा नै सुन्ने दा तगमा अपने नां कीता।

<><><><><><>

Encounter

कश्मीर घाटी च होए दे द'ऊं बक्ख-बक्ख टाकरें च 3 आतंकवादी मारे गे न ते 4 सुरक्षाकर्मी जख्मी होए न। हासल होई दिगं रिपोर्टें मुजब, दक्खनी कश्मीर दे अनंतनाग जिले दे हल्कान गली इलाके च जारी इक टाकरे दरान सुरक्षाबलें द'ऊं आतंकवादिगं गी मारी-मुकाया ऐ। एह जानकारी फौज दी चिनार कोर नै सोशल मीडिया दी इक पोस्ट राहें सांझी कीती ऐ। मारे गेदे आतंकवादिगं दी पन्थान अजें कीती जा करदी ऐ। खीरी जानकारी थोने तगर इलाके च सुरक्षाबलें दा अभियान जारी हा। तोआई खबर एजेंसी पीटीआई मुजब, इक होर टाकरे च सुरक्षाबलें श्रीनगर दे खान्यार इलाके च इक टाकरे दरान इक आतंकवादी गी मारी-मुकाया ऐ। हासल रिपोर्टें मुजब, इलाके च आतंकवादिगं दी मजूदगी बारै पक्की सूह थोने परैन्त सुरक्षाबलें अज्ज बड्डलै खान्यार च घेराबंदी ते तपाशी अभियान चलाया हा जिस दरान इलाके च छप्पे दे आतंकवादिगं सुरक्षाबलें पर गोलीबारी कीती ते टाकरा भखी पेआ। टाकरे दरान सीआरपीएफ दे द'ऊं जवान ते जम्मू-कश्मीर पुलसा दे बी द'ऊं जवान जख्मी होए न। सुरक्षाबलें दा अभियान अजें जारी ऐ। फौज दी चिनार कोर मुजब, घाटी च बांडीपोरा दे पनार इलाके च सुरक्षाबलें कन्नै होए दे इक लौहके नेय टाकरे परैन्त किश आतंकवादिगं उत्थुआं नस्सियै जंगलें च जाई छप्पे दे न जिंदे सफाये लेई सुरक्षाबलें दा अभियान बरोबर जारी ऐ।

<><><><><><>

Rajnath Singh(byte)

जम्मू कश्मीर च हाल च होए दे आतंकवादी हमले गी मंदे भागें आला करार दिंदे होई केन्द्री रक्षा मंत्री राजनाथ सिंह होरें आखेआ जे सुरक्षा च कोई चूक नेई होई दी ते सुरक्षाबलें आतंकवादिगं गी बनकदा परता देआ'रदे न। उत्तर प्रदेश दे कानपुर च पत्रकार कन्नै गल्लबात करदे होई राजनाथ सिंह होरें आखेआ जे पैहले समें दे मकाबले हुन हमले घट्ट होई गे न। उनें एह बी आखेआ जे सुरक्षा च चूक दा मुद्दा नेई ऐं इस बारे होर मती जानकारी दिंदे होई केन्द्री मंत्री होरें आखेआ.....बाईट

<><><><><><>

Farooq Panchayat

नैशनल कांफ्रेंस दे प्रधान डॉ. फारूक अब्दुल्ला होरें अज्ज आखेआ ऐ जे केन्द्र शासत प्रदेश च तौले गै पंचैतें दे चुनां करोआए जांगन। उनें आखेआ ऐ जे इत्त सरबंघें च तैआरियां चलै करदियां न ते पंचैतें दे चुनां तौले गै करोआए जांगन। डॉ. अब्दुल्ला होरें जम्मू कश्मीर लेई राज्य दे दर्जे दे अधिकार दी गल्लै गी फही दोहराया ते आखेआ जे उंदी पार्टी केन्द्र शासत प्रदेश दे दर्जे गी स्वीकार नेई करदी ऐ। उनें आखेआ जे जम्मू कश्मीर दा राज्य दा दर्जा बहाल करने दा वायदा संसद च ते कन्नै सर्वोच्च अदालतै अगगे बी कीता गेदा ऐ। उनें आखेआ जे एह दर्जा बिजन चिर लाए दे बहाल कीता जाना लोडचदा ऐ।

<><><><><><>

Canada

विदेश मंत्रालय नै केंद्री गृह मंत्री अमित शाह हुंदे मामले च बरोध जताने लेई कल संज्ञां कनाडा दे उच्च आयोग गी तलब कीता। कनाडा दे उपमंत्री डेविड मोरिसन होरें जन सुरक्षा ते राष्ट्री सुरक्षा पर स्थायी समिति दे अग्वे केंद्री गृह मंत्री हुंदे सरबंघे च टिप्पणी कीती ऐ। विदेश मंत्रालय दे प्रवक्ता रणधीर जायसवाल होरें अज्ज नमीं दिल्ली च इक संवाददाता सम्मेलन दरान दस्सेआ जे 29 अक्टूबर गी ओटावा च स्थायी समिति दी कार्यवाही दे मामले च इक कूटनीतिक नोट बी उच्च आयोग गी सौंपेआ गेआ ऐ। उनें आखेआ जे कनाडा दे आला अधिकारियें अंतराष्ट्री मीडिया अग्वे जानी-बूझियै जेह्दे खुलासे कीते न, ओह भारत दे ऐकड़े नजरिये दी तसदीक करदे न जे एह मजूदा कनाडा सरकार दा राजनीतिक एजेंडा ऐ। उनें चेतावनी दित्ती जे ऐसी गैर जिम्मेदाराना कार्रवाई दा दपक्खी सरबंघें पर गंभीर असर होग।

<><><><><><>

PM India Greece

प्रधानमंत्री नरेन्द्र मोदी ते ग्रीज दे प्रधानमंत्री किरियाकोस मित्सोताकिस होरें दौनें देसें बश्कार रणनीतिक सांझेदारी गी मजबूत करने दी अपनी प्रतिबद्धता गी फही पक्का कीता ऐ। टेलीफोन पर गल्लबात दरान दौनें नेताएं भारत-मध्य पूर्व यूरोप, आर्थिक गलियारे ते पच्छिम एशिया च विकास दे कन्नो कन्नी बक्ख-बक्ख क्षेत्रीय ते वैश्विक मुद्दें पर अपने बचार सांझे कीते। दौनें नेताएं हाल च गै उच्ची सतह दी गल्लबात राएं दपक्खिया सरबंघें च बेहतरी दी बी सराहना कीती ऐ। उनें बपार, रक्षा, शिपिंग ते राबते सनें दपक्खियां सैहयोग दे केई क्षेत्रें च तरक्की दी बी समीक्षा कीती।

<><><><><><>

Dy CM Jhiri Mela

उपमुख्यमंत्री सुरिंदर कुमार चौधरी होरें अज्ज जम्मू च इक बैठक लाइयै झिड़ी दे मेले लेई तैयारिएं दा जायजा लैता। औंदी 14 शा 24 नवम्बर तगर आयोजित होने आहले झिड़ी दे मेले च तकरीबन 20 लक्ख लोक औंदे न ते एह आयोजन, बक्ख-बक्ख सरकारी मैह्कमें गी इक बधिया मौका उपलब्ध करोआंदा ऐ जेह्दे राहें ओह जन कल्याण आहलिएं अपनी योजनाएं दा सक्रियता कन्नै प्रचार करी सकदे न। उपमुख्यमंत्री होरें गलाया जे झिड़ी दा मेला नां छड़ा मुकामी राई-बाई लेई महत्वपूर्ण ऐ सगुआं एह जम्मू दे सांस्कृतिक विरसे दे प्रदर्शन लेई बी अहम ऐ। उनें सरबंघत अधिकारिएं गी निर्देश जारी कीते जे ओह विशेष पंडाल स्थापित करियै लोकें गी उंदे कल्याण लेई चलाई गेदी सरकारी योजनाएं बारै लोड़चदी जानकारीयां उपलब्ध करोआन। जम्मू दे डीडीसी भारत भूषण होरें बी इस बैठक च हिस्सा लैता। इस मौके उनें आखेआ जे मेला शुरु होने शा पैहले सब्बै मुख्ख ते राबता शिड़कें पर लुक्क पाई दित्ती जानी लोड़चदी ऐ। जम्मू मुंसिपल कारपोरेशन दे कमिशनर देवांश यादव, एसपी रुरल ब्रिजेश शर्मा ते होर दुए आला अधिकारिएं बी इस बैठक च शिरकत कीती।

<><><><><><>

Poonch Camp

पुंछ जिला प्रशासन नै श्रीनगर दे अक्खिएं दे अस्पताल एसजी आई अस्पताल कन्नै रलियै पुंछ च अक्खिएं दी जांच सरबंघी इक शिविर दा आयोजन कीता। पुंछ थमां आकाशवाणी संवाददाता अनुभव मिसरी होरें जानकारी दित्ती ऐ जे इस कैंप दी शुरुआत पुंछ दे मुख्ख मैडिकल अधिकारी डॉ. परवेज होरें सिविल सोसायटी दे सदस्यें ते मरीजें दी मजूदगी च कीती। इस कैंप च तकरीबन 300 शा मते मरीजें दी अक्खिएं दी जांच कीती गई ते अक्खें दे इलाज दी जरूरत बारे जानकारी दित्ती गई।

<><><><><><>

Reasi Mishap

रियासी जिले च होए दे इक शिड़क हादसे च इक महिला ते ओहदे 10एं म्हीने दे जागत सनें 3 लोकें दी मौत होई गई ते 3 होर बड़े जख्मी होई गे। एह हादसा उसलै पेश आया जिसलै इक इक कार चसाना शा माहौर जंदे होई चसाना मोड़ कश शिड़क थमां रूलकियै खड्डै च डिग्री गई। मरने आलें दी पंछान सदूर सिंह, कुलचा देवी ते 10एं म्हीने दे इक न्याणे दे तौर पर होई ऐ। एह त्रौनें चसाना दे रोहने आले हे ते जख्मिएं दी पंछान शंकर सिंह, अजय सिंह ते डुंकल दे तौर पर होई ऐ।

<><><><><><>

BSF Udhampur(byte)

उधमपुर च सीमा सुरक्षा बल सहायक प्रशिक्षण केन्द्र रौन दोमेल च नमें भर्ती होए दे कोई 620 जवानें अपनी परिचालन प्रशिक्षण पूरा करने दे बाद पासिंग आउट परेड च देश गी सेवा दी सगंध लैती। उधमपुर थमां आकाशवाणी संवाददाता अचिन दूबे होरें जानकारी दिक्ती ऐ जे भर्ती होए दे जवान आंध्रप्रदेश, ओडिशा ते पच्छिम बंगाल दे हे जिनें अपनी 44एं हफतें दी सख्त बुनियादी सिखलाई सफलतापूर्ण पूरी कीती। बीएसएफ मुख्यालय नमीं दिल्ली दे अतिरिक्त महानिदेशक पुलस रस्तोगी होर इस मौके पर मुख्ख परौहने हे। उनें सीमा प्रहेरियें गी आखेआ जे ओ देश दी सीमाएं दी रक्षा भरोसे ते रमानदारी कन्नै करन। इस मौके पर नमें भर्ती होए दे किश जवानें ते ते बीएसएफ दे एडीजी होरें आकाशवाणी कन्नै गल्ल करदे होई आखेआ.....बाईट

<><><><><><>

Vishwakarma Day

पूरे मुल्खे दे कन्नो कन्नी जम्मू च बी अज्ज विश्वकर्मा दिवस पूरे जोश ते उत्साह कन्नै मनाया जा'रदा ऐ। एह ध्यार हिंदू लोके बड़ी आस्था कन्नै मनांदे न। इस ध्यार च करीगिर, मजदूर ते दस्तकारी करने आले कर्मी भगवान विश्वकर्मा हुंदी पूजा अर्चना करदे न ते तरक्की बाढ़े लेई उंदा आशींवाद लेंदे न। लोक भगवान विश्वकर्मा हुंदी अपनी दुकानें च , दफ्तर च, फैक्ट्रिं ते कम्म करने आली थाहरें पर पूजा करदे न। ओह अपने औजारें, मशीनें दी पूजा करदे न ते किश अज्जै दे दिन उंदा इस्तेमाल करने थमां परहेज करदे न।

<><><><><><>

Vishwakarma Udhampur(byte)

खरी मती गिनतरी च श्रद्धालुएं अज्ज उधमपुर दे विश्वकर्मा मंदर जाइयै उत्थें मत्था टेकेआ। इंदे च मती गिनतरी बक्ख-बक्ख ओजारें कन्नै कम्म करने आले कारीगिरें ते कम्मगारें दी ही। उधमपुर च मुख्ख समारोह एम.एच.चौक आले विश्वकर्मा मंदरै च लग्गा। इस मौके पर आकाशवाणी कन्नै खास गल्लबात करदे होई विश्वकर्मा सभा उधमपुर दे जिला प्रधान विजय कुमार मन्हास होरें गलाया.....बाईट

<><><><><><>

Vishwakarma Samba(byte)

दुनिया दे बाकी हिस्से आले लेखा गै सांबा जिले च बी विश्वकर्मा दिवस धार्मिक श्रद्धा ते उत्साह कन्नै मनाया गेआ। जिले च मुख्ख कार्यक्रम विश्वकर्मा मंदर विजयपुर च मनाया गेआ जित्थें बड़े मते लोके बअपने परोआर कन्नै आइयै मंदरै च मत्था टेकेआ ते सुख-समृद्धि लेई आशींवाद लैता। इस मौके पर हवन ते यज्ञ दे कन्नो कन्नी कीर्तन दा बी आयोजन कीता गेआ। श्रद्धालुएं दी सहूलत लेई लंगर लाया गेदा हा। विश्वकर्मा मंदर समिति दे प्रधान मदन लाल होरें दस्सेआ जे हर ब'रे एह दिन बड़ी धूमधाम कन्नै मनाया जंदा ऐ। साढ़े आकाशवाणी संवाददाता कन्नै गन्नबात करदे होई मदन लाल होरें आखेआ.....बाईट

<><><><><><>

World Boxing

भारत दी कृषा वर्मा नै कल अमरीका दे कोलाराडो च अंडर-19 विश्व मुक्केबाजी चैंपियनशिप च सुन्ने दा तगमा जित्तेआ ऐ। हालांके सुन्ने दा तगमा जित्तेपे उर दक द्रौड़ च शामिल 5 होर भारतीय मुक्केबाजें गी अपने अपने फाइनल च हार दा सामना करना पेआ। कृषा नै जर्मनी दी लेरिका साइमन गी 5-0 कन्नै हराइयै सुन्ने दा तगमा अपने नां कीता। तोआई चंचल चौधरी महिललाएं दी 48 किलोग्राम वर्ग दे फाइनल च इंग्लैंड दी रूबी बाईट शा हारी गेइयां। इस वर्ग च भारतीय मुक्केबाज गी आयोजन घोषित करी दित्ता गेआ जेहदे कारण उनेंगी चांदी दे तगमे कन्नै गै संदोख करना पेआ।

<><><><><><>